

p. 725 line -4【袁宏道】《淨土聖賢錄》卷7：「袁宏道。字中郎。號石頭居士。湖北公安人也。兄宗道。弟中道。」(X78, p. 290, c2)「宗道中道。同時發心回向淨土。已而宏道起故官。再遷至稽勳司郎中。復移病歸。抵家不數日。入荊州城。宿於僧寺。無疾而卒。中道官南禮部郎中。乞休老於家。居常勤於禮誦。萬曆四十二年(1614)望夕。課畢趺坐。形神靜爽。忽入定。神出屋上飄然乘雲。有二童子導之西行。俄而下至地。童子曰。住。中道隨下。見地平如掌。光耀滑潤。旁為渠。廣十餘丈。中有五色蓮芳香異常。金橋界渠。欄楯交羅。樓閣極整麗。揖問童子。此何地。卿何人？曰。予靈和先生侍者也。問先生為誰？曰。君兄中郎也。今方佇君。有所語。可疾往。復取道至一處。樹十餘株。池水汨汨。池上有白玉扉。一童子先入。一童子導。過樓閣二十餘重。至一樓下。一人下迎。其顏如玉。衣如雲霞。長丈餘。見中道喜曰：弟至矣。諦視之。則宏道也。上樓交拜。有四五人來共坐。宏道曰。此西方邊地也。信解未成。戒寶未全者。多生此。亦名懈慢國。上方有化佛樓臺。前有大池。可百由旬。中有妙蓮。眾生處。既生則散處樓臺。與有緣淨友相聚。以無淫聲美色。勝解易成。不久進為淨土中人。中道問兄生何處？宏道曰。我淨願雖深。情染未除。初生此少時。今居淨土矣。終以戒緩。僅地居。不得與大士升虛空寶閣。尚需進修耳。幸宿生智慧猛利。又曾作西方論。讚歎如來不可思議度生之力。感得飛行自在。遊諸剎土。諸佛說法。皆得往聽。此實為勝。遂攜中道上升。倏忽千萬里。至一處。光耀無障蔽。琉璃為地。界以七寶樹。皆栴檀吉祥。出眾妙華。作異寶色。下為寶池波揚無量。自然妙聲。池中眾寶蓮。葉五色光。池上隱隱危樓迴帶。閣道旁出。皆有無量樂器。演諸法音。宏道曰。汝所見者。淨土地行眾生依報也。過此為法身大士住處。甚美妙。千萬倍於此。神通亦千萬倍於此。吾以慧力遊其間。不得住也。過此為十地等覺所居。吾不得而知。過此為妙覺所居。唯佛與佛乃能知之。語罷。復至一處。無墻垣。有欄楯。光耀逾前。坐頃之。宏道曰。吾不圖樂之至此極也。使吾生時。嚴持戒律。尚不止此。大都乘戒俱急。生品最高。次戒急。生最穩。若有乘無戒。多為業力所牽。流入八部鬼神眾去。予所親見者多矣。弟般若氣分頗深。戒定力甚少。夫悟理不能生戒定。狂慧也。歸五濁。趁強健。實悟實修。兼持淨願。勤行方便。憐憫一切。不久當相晤。一入他途。可怖可畏。如不能持戒。有龍樹六齋法見存。遵而行之。殺戒尤急。寄語同學。未有日啟鸞刀。口貪滋味。而能生此土者也。雖說法如雲如雨。何益於事。我與汝空王劫時。世為兄弟。乃至六道。

莫不皆然。幸我得善地。恐汝墮落。方便神力。攝汝至此。淨穢相隔。不得久留。時宗道已卒。因問其生處。宏道曰。生處亦佳。汝後自知。忽凌空而逝。中道起步池上。忽若墜水。躍然而醒。自為記如此。初。宗道有子曰登。年十三。病瘡。將終。語宏道曰。死矣。叔父何以救我？宏道曰。汝但念佛。即得往生佛國。此五濁世。不足戀也。遂合掌稱阿彌陀佛。諸眷屬同聲助之。頃之。微笑云。見一蓮華色微紅。俄而云。華漸大。色鮮明無與比者。俄而云佛至。相好光明充滿一室。頃之氣促。宗道曰。汝但稱佛字可也。登稱佛。數聲。合掌而逝」(X78, p. 291, c9-p. 292, b12)

p. 726 line -6【菩薩法式】僧肇《注維摩詰經》卷5〈5 文殊師利問疾品〉：
「一切菩薩法式悉知。什曰。謂神通變化諸威儀也。」(T38, p. 371, a5-6)
湛然《維摩經略疏》卷6：「一切菩薩法式者。即是權實法式。又是修行軌儀。非權非實。而能通達權實法式。自行教他。非但悉知。亦能成就。」
(T38, p. 652, b10-13)

p. 729 line 6【疑】廣益《百法明門論纂》卷1：「言疑者。無決定見也。謂於無我諦實之理。無決定見。狐疑不信。不能決意直前修諸善業。故善不生。此疑依六事而生：一聞不正法。二見師邪行。三見所信受意見差別。四性自愚魯。五甚深法性。六廣大教法。由此六種疑方生故。」
(X48, p. 320, b1-57)遁倫《瑜伽論記》卷15：「一聞不正法。前後相違。疑所說理是正非正。二見師邪行。疑彼所行是道。三見所信受意見差別者。所信受外道從眾意見不同。疑彼所趣非真究竟。四性自愚魯。因此生疑。五甚深法性。未了生疑。六於廣大法教。智退故疑。」(T42, p. 643, a12-17)
智顓《修習止觀坐禪法要》卷1：「疑者，有三種：一者、疑自。而作是念：「我諸根闇鈍，罪垢深重，非其人乎？」自作此疑，定法終不得發。若欲修定，勿當自輕，以宿世善根難測故。二者、疑師。「彼人威儀相貌如是，自尚無道，何能教我？」作是疑慢，即為障定。欲除之法，如《摩訶衍論》中說：「如臭皮囊中金，以貪金故，不可棄其臭囊。」行者亦爾，師雖不清淨，亦應生佛想。三、疑法。世人多執本心，於所受法不能即信、敬心受行。若心生猶豫，即法不染心。」(T46, p. 464, c26-p. 465, a6)

◎菩薩往生第四十二

- 1.前之三輩與邊地疑城，皆論凡夫往生。今品廣明十方菩薩往生，其數無量。彌顯淨土妙法，聖凡齊收，利鈍悉被。普勸眾生，求生極樂也。
 - 2.不退菩薩、小行菩薩尚且往生極樂，何況業深障重之凡夫？真正發心求學菩薩道者，當深思佛說此品之意。
- p. 739 line 4【不退菩薩】【雪廬老人眉註】不退菩薩諸功德：供養無數諸佛、植眾德本、得不退轉、智慧勇猛、發趣一乘、七日中能攝千億劫大士所修堅固之法。
- p. 739 line 5【七百二十億】〔魏譯〕《佛說無量壽經》卷2：「佛告彌勒：「於此世界有六十七億不退菩薩往生彼國。一一菩薩已曾供養無數諸佛，次如彌勒者也；諸小行菩薩及修習少功德者不可稱計，皆當往生。」」(T12, p. 278, b28-c3)〔漢譯〕〔吳譯〕：七百二十億。〔唐譯〕：七十二億。〔宋譯〕：七十二俱胝那由。
- p. 739 line -2【小行菩薩】〔魏譯〕《佛說無量壽經》卷2：「諸小行菩薩及修習少功德者」(T12, p. 278, c1-2)〔漢譯〕〔吳譯〕：小菩薩。〔唐譯〕：少善根。〔宋譯〕無。【小行菩薩】1.十信。2.比丘洪琇許《無量壽經義記卷下》卷1：「諸小行菩薩者。諸言不一。此小行菩薩是住下三十心人。初十心是習種性人也。初六心有退。至第七心不退。此人作四念處觀。在外凡夫位中也。中十心者。是性種性人也。在軟頂忍位中也。最後三十心者。是解行地人也。在世第一法位中也。」(T85, p. 248, c22-27)
- p. 741 line 6【大士所修堅固之法】《無量壽經甄解》卷18：「於七日已下，明「化他」勝。大士所修，利物為懷，利物不退，謂之堅固。」「於七日中，即能攝取等，顯利根精進；大士所修等，即是自利利他，六度等之法也，所謂六堅法，故云「堅固」。」「何所攝法？今謂，於百千億劫大士所修之法，即是法藏菩薩於兆載永劫所修行業，終成至德尊號，是名「堅固法」，今此菩薩於七日中，修此大行，能攝取永劫行故，此乃法藏菩薩利他大行。」
- p. 741 line 6【不退轉法】龍樹《十住毘婆沙論》卷5：「若人疾欲至，不退轉地者，應以恭敬心，執持稱名號。若菩薩欲於此身得至阿惟越致地成就阿耨多羅三藐三菩提者。應當念是十方諸佛稱其名號。」「問曰：但聞是十佛名號執持在心。便得不退阿

耨多羅三藐三菩提。為更有餘佛、餘菩薩名得至阿惟越致耶？答曰：阿彌陀等佛，及諸大菩薩，稱名一心念，亦得不退轉。

更有阿彌陀等諸佛。亦應恭敬禮拜稱其名號。」「復應憶念諸大菩薩。」
〈10 除業品〉：「問曰：但憶念阿彌陀等諸佛及念餘菩薩得阿惟越致。更有餘方便耶？答曰：求阿惟越致地者。非但憶念稱名禮敬而已。復應於諸佛所懺悔、勸請、隨喜、迴向。」(T26, p. 41, b13-p. 45, a22)

p. 741 line 7【不退菩薩往生極樂】不退菩薩亦往生極樂：1. 《智論》「樂多集諸佛功德者。」（應深思：為何不指娑婆或他土？）2. 未證淨心菩薩，見阿彌陀佛時，與上地諸菩薩畢竟身等法等（即是證得寂滅忍）。3. 七地菩薩得大寂滅，欲捨佛道，證於實際；若往生安樂，見阿彌陀佛，即無此難。4. 《行願品》「欲成就如來功德門，應修十種廣行願。…於一切時引導其前，一剎那中即得往生極樂世界，到已即見阿彌陀佛。…我既往生彼國已，現前成就此大願，一切圓滿盡無餘，利樂一切眾生界。」

p. 743 line -6【正宗分判】淨空和尚《無量壽經科註》

一、正說因地（4~8品）：在家聞法（4品）、出家修行（5~8品）

二、果德圓滿（9~42品）：

- 1 總示成佛時處（9~10品）
- 2 別明依正莊嚴（11~13品）—依報（11品）、正報（12、13品）
- 3 重顯依報莊嚴（14~17品）
- 4 所攝眾生莊嚴（18~31品）—眾生（18~25品）、菩薩（26~31品）
- 5 對顯淨穢誠勸（32~42品）—誠（32~37品）、勸（38~42品）